



**Philippi Ecclesiae Eystettensis XXXIX. Episcopi. De
Eivsdem Ecclesiae Divis Tvtelaribvs. S. Richardo. S.
Willibaldo. S. Wvnibaldo. S. Walpvrga. Commentarius
nunc primum evulgatus**

Philipp <Eichstätt, Bischof>

Ingolstadii, 1617

V. De aliis quibusdam Ecclesiae Eystettensis patronis.

[urn:nbn:de:hbz:466:1-70477](https://nbn-resolving.org/urn:nbn:de:hbz:466:1-70477)

CAPVT V.

*De aliis quibusdam Ecclesia Eystetten-
sis Patronis.*

IN libro, quem Gundackarus Episcopus Eystettensis pingi & scribi curauit, ante picturas Episcoporum; visuntur imagines patronorum Eystettensium; ex quibus primarius S. Bonifacius, medius inter S. Willibaldum & S. Wunibaldum. S. Bonifacio vel iconi eius adscribitur hic versiculus antiqui styli & æui.

Esse Bonifacius fac nos bonitate capaci.

S. Willibaldo iste.

Willibalde tuus ser opem per dona salutis.

S. Wunibaldo iste.

Wunibalde tuos rege cum cunctis Sualafeldos.

De S. Willibaldo & S. Wunibaldo satis iam diximus. De S. Bonifacio post rerum Moguntiacarum libros Serarij aliquid dicere, esset post Homerum Iliadem & post Virgilium Æneidem scribere. Quamquam passim his Observationum libris aliquid de S. Bonifacio interspersum est: qui eò maiore in veneratione & pretio apud nos esse debet, quò acerbius & truculentius ab Hæreticis flagellatur, nominatim à Balæo Centuria II. & XIV. Scriptorum Britannia, & ab Illyrico Centuria VIII. & in Catalogo testium veritatis: Nam huius adeò immanis insectationis alia non est causa, quàm quia S. Bonifacius Romanæ & Apostolicæ Sedi addictissimus erat; ab huius nutu totus pendebat, ad hanc omnia referebat: ab hac responsa expectabat & expetebat; hanc de minimis maximisq; rebus certiorè reddebat, præcipuè de rei Christianæ

stianæ in Germania progressu, fideiq; propagatione & vitiorum extirpatione. Eam ob causam vociferantur Balæus & Illyricus, Bonifacium *non tradidisse Germanis fidem Christianam; sed Romanam;* quasi hæc diuersa sit à Christiana, aut temporibus S. Bonifacij habita fuerit diuersa, nisi fortè à pauculis quibusdam exoticis capitonibus, quos totus orthodoxus tunc mundus detestabatur.

Placet tamen Illyrico, quòd Bonifacius, quem pro sua in illum reuerentia *malefacium* appellat, Pontificibus Romanis nonnulla Romæ fieri solita, indicatis; quibus peregrini offendebantur & scandalizabantur. Quasi verò nesciamus Romæ, vt & in aliis magnis urbibus fuisse, esse, & futura esse vitia, quæ emendatione & eradicatione egeant, quibus patefaciendis Bonifacius bonam operam, & ipsis quoq; Pontificibus gratam nauauit: nam quòd Illyricus præterea oggerit, Bonifacium, tanq; uam *legem Tyrannicam, condemnasse interdictum de matrimonio ineundo inter compatres*, id purum putum est mendacium; nihil enim aliud dicit in epistola ad Nothelmum, quàm se nihil hæc de re in patrum decretis vel canonibus, & in sacro eloquio reperisse; rogatq; vt si quid huiusmodi Nothelmus compertum habeat, id secū communicet, & ex ignorantiarum faciat; se verò Romanis, quoad hoc coniugij impedimentum, obtemperare nolle; ne minimo quidem verbulo insinuat.

Similis vanitas est, S. Bonifacium, *non fuisse certum de primatu Papa:* imò adeo certus fuit; vt nil nisi conscio Papa agere, aggredi, cōstituere, vel decernere uoluerit: nam quòd in epistola ad Cuthbertum, ita scribit: *Sic enim, ni fallor, omnes Episcopi debent Metropolitanis, &*

ipse

ipse porro Metropolitanus Romano Pontifici, si quid de corrigendis populis apud eos impossibile est, notum facere, &c. id nullius dubitationis argumentum est: nam illud, nisi fallor; non semper incertitudinem significat; quia sæpe etiam valde certi hac phrasi uti solemus; ut si dicā: Sic enim, ni fallor, Imperator in Imperio Romano summus Princeps est, cui ceteri omnes subduntur. An id eo hac formula loquendi significo, me dubitare, vel certum non esse, an Imperator sit summus in Imperio Princeps? Sed iam ulterius pergamus.

Post tres supradictos patronos sequitur S. Vitus, cui hic versiculus attexitur.

Vite puer fortis pœna nos subtrahere mortis.

cui à dextris est S. Walpurga cum hac inscriptione.

Nos Walpurga Deo conterminet Anglica virgo.

A sinistris Gunthildis, de qua supra, cū hoc carmine.

Tu prece condigna Gunthildis adesto benigna.

Ex altera parte sequitur S. Sola Abbas hac epigraphe.

Fac solem vitæ nobiscum Sola manere.

A dextris habet Dedickerum hoc adiuncto versiculo.

Sit Dedickero plebi spes altera clero.

Ex altera Katoldum cum hoc epigrammate.

Viscera peccati poscat medicina Katoldi.

His subiungitur in medio Gotthardus cum hoc versiculo.

Gotthardi votis veniat protectio nobis.

Sed quis iste Gotthardus? Num Episcopus Hildesheimensis, antea Abbas Althensis in Bauaria? A dextris est imago cum hoc carmine.

Nobis Annodatos fac annos esse beatos.

A sinistris alia cum hac inscriptione.

Crimine polluto veniam prece conferat Vro.

r 2

De

gustafiano Luti-
varijs Ordinibus pag. 29. scribit, ex Reliquijs Willi-
ldi Episcopi Eystettenfis manasse sacrum liquorem, male-
bentibus salutariferum. Vbi Apostata miraculum, quod
t sororis Walpurgæ, transfert inscienter ad S. Willi-
aldum, sine vlllo vllius Auctoris testimonio.

Pag. 408. v. 20. Anonymus. Adde: Rofert Brovve-
as noster lib. 2. Antiquit. Eoldensium cap. 12. veterem
quandam inscriptionem, ad Altinum pertinentem,
uæ est ista. Anno Domini Incarnationis DCCCXIX.
indictione XII. mense Ianuarij XVI. Kalend. Febr. dedicatū
est hoc templum ab Altino Episcopo Eihstatiensis Ecclesia in
honorem S. Saluatoris Domini videlicet nostri IESV Christi,
& S. Dei Genitricis Mariae, & S. Ioannis Baptistæ, & S. Petri
Apostoli & ceterorum Apostolorum Domini, & S. Bonifacij
Martyris Christi, & aliorum plurium Martyrum, Confessorum
& SS. Virginum. Hæc enus inscriptio, quam refert Bro-
vverus ad ipsam S. Solæ domicilium. In numerum ta-
men irrepsit mendum; nam Anno Christi 819. Altinus
seu Altuinus cathedram Willibaldinam necdum obtri-
auerat.

epitheta pte stegani inigne lecti.
in medio alia necesse est ferreus clavis
eminetibus undiq; armata. Anuli nigri
insigniore appropi daria vidi. inscriptio
hæc. in summo solitariæ hæc
apendia impleta litera

ΣΗΡ
ΜΑΚΕΔΟΝΩΝ
ΠΡΩΤΗΣ
ΤΡΟΜΕ

lege Synt. in Bohemia scriptæ: q. multa
tabulosa in hoc puto vere q. Amalones
Macedonia inchoerant. Unde in Bohemia

De his vt verum fatear, nihil mihi compertum est, neque quidquam in antiquis monumentis reperio: Qui repererit, is nobiscum communice, inprimis: quis fuisse Vto, quis Annodatus, quis Katoldus, quis Dedikerus. Fortè fuerit Monachi Benedictini S. Willibaldo Synchroni, vel adiutores in agro Domini excolendo. Est apud Aucastum lib. 4. Annalium Vro Eremita, quem Carolus Magnus primum Abbatem Monasterij Merensis ab se conditi constituit. De qua fundatione exstat Merens Diploma Caroli Magni datum anno Redemptoris DCCC. LXXXII. Sed quis exponat nobis, num iste sit Vto, de quo noster versiculus?

In Margine circa imagines isti versiculi leguntur.

Gundekar Antistes vix tali nomine dignus.

Quæ humilitatis vox est, cuius iste Gundecarus studiosissimus erat, Auctor libri & imaginum,

Constituit vita Deus hoc exemplar utrique

E quibus hoc mundo sonuit vox ore rotundo.

Me precibus sacris rogo de vitis reparatis.

Sparsa fides verbis in eis nec mansit inermis.

Mirum porrò à Gundackaro omissum S. Richardum, vnum, ex potissimis Ecclesie Eystettensis hoc tempore patronum. An eo tempore Richardi veneratio nondum palam suscepta, & in usum introducta erat: Aliquid subesse oportet, quidquid tandem illud sit: nam vt silentium hoc obliuioni Gundackari attribuas, nihil efficies, quia id omni verisimilitudinis colore caret.

Sed vide, quin & effusè ride, lepidum quoddam & rosæ coronandū caput. Abraham Saur quinti Evangelij Sæctor, in Diariorum suo historico ad 7. diem Februarij,

⁷⁸ An Katoldus seu Cataldus est ille, cuius anniuersariam memoriam Martyrologium Romanum signat X. die Maij? qui Tarensinorum in Calabria olim Episcopus, nunc primarius patronus est, natione Hibernus. Hoc constat, ante & post aduentum S. Willibaldi, in Germaniam, plures sanctimonia vitæ celebratos Christianæ fidei doctores cum S. Kiliano Martyre & Apostolo Franconia ex Hibernia profectos, illustrasse Euangelij luce loca Eystadio confinia; Et multo adhuc plures Socios Hibernorum S. Ruperti & S. Virgilij, Episcoporum Salsburgensium, & alios S. Erhardi & S. Alberti, (qui Ratisbonæ requiescunt) omnes ferè angulos Bauariæ & Norici miraculis, vitæ exemplo, & verbo Dei repleuisse, ex quorum numero vnus fortassis Katoldus iste Eystadiensis fuit, nisi quis malit eum accensere primis indigenis Monasterij, quod in Eystetteni suburbio Scotis seu Hibernis iam olim exadificatum est.

⁷⁸

*Est apud Aucastum lib. 4.
 Annalium Vro seu
 Vtho Eremita, quæ Caroli
 Magni primum Abbatem
 Monasterij Merensis ab se
 conditi constituit, de quo vide
 etiam Hurdin in Metropoli, m.
 h. p. Carolum S. Angolum on.
 S. Benedicti Augusti Vindelicor
 ad s. Valerian Episcopi. Sed quis
 veros nos facit vtonem su
 tom, esse hunc, de quo supra
 scriptus versiculus?
 Crimine polluto uerium prec
 confirmat Vto*

bruarij, conatur S. Richardum ex antiqua statione & possessione, quam tot annis in Calendario obtinuit, exturbare, inque locum eius substituere. At quem? Robertum Barns Anglum, flagitiosum Apostatam, qui Witebergæ cum Luthero Lutheranus erat; cum Zvvinglianis in Anglia Zvvinglianus; quem ipsemet Henricus VIII. Rex iam ab unitate Ecclesiæ segregatus, & in schisma miserabiliter lapsus, flammis voracibus absumendum tradidit. En, lector, quis sit illerantus, cui S. Richardus cedere iubetur, idque ex edicto eius, cui si vel vnus boni viri pilus fuisset, ab hac permutatione abstinuisset, neque in locum *Angeli*, Anglum nulla dote quàm perfidia magis spectabilem, sufficere studuisset.

CAPVT VI.

RHYTHMI MEDIBARDI DE
MIRACVLIS S. WALPVRGÆ, QVÆ
WOLFARDVS HASENRIETANVS
quatuor libris complexus est:

Nunc primum

Ex manuscripto Codice Bibliothecæ Episcopalis Eystettensis publicati.



*Walpurga sacra tot signis glorificata,
Prosaicè scriptam * rhythmo libet edere vitam;
Virginis eximia placeat laudes iterasse;
Quas iterat signis Rex Regum quotidianis.
Filia regis erat, sed egenam se faciebat,
Dives ut in Christo regnaret semper in ipso;
Quàm sit chara Deo monstrant miracula crebro.*

* Soluta oratione scriptam à VVolfhardo.